

Beskućnici brane boje BiH

15/07/2011 16:36 by Administrator

Već osam godina održava se Svjetsko fudbalsko prvenstvo beskućnika. Alvir, Vulin, Alić, Bećić, ...prvi su bh. reprezentativci. Oni su pošli pripreme za Svjetsko prvenstvo u Meksiku 2012.

Filip Alvir, dvadesetogodišnji Banjačanin na pripremama je prve bosanskohercegovačke fudbalske reprezentacije beskućnika.

"Bivši sam ovisnik o teškim drogama, osam godina sam "čist", završio sam program u terapijskoj zajednici "Susret" u Bastacima kod Banja Luke i sa zadovoljstvom sam se odazvao na poziv selektora da branim boje BiH", kazuje dok se zagrijava na голу.

"Već osam godina održava se Svjetsko prvenstvo u fudbalu za beskućnike Hommeles world cup, a pokrenuli su ga socijalni poduzetnici iz Škotske i Austrije", kaže selektor Elmedin Krebo.

"Njihova prvobitna ideja bila je pronaći jezik koji mogu razumjeti svi beskućnici svijeta i brzo im se fudbal pokazao kao pravo rješenje", priča prvi bh. selektor beskućnika, socijalni radnik u Međunarodnom forumu solidarnosti Emaus.

Reprezentaciju čine osobe bez doma, bivši ovisnici o drogama i alkoholu, i druge osobe koje su potpuno ovisne o sistemu socijalne pomoći.

Na nagovor prijatelja iz Slovenije i Hrvatske, prije mjesec dana formirana je reprezentacija BiH koju podržava i N/FS BiH, a akreditovanje je pri kraju. Na prvobitnom spisku bilo je 20 reprezentativaca. Međutim, jedan broj igrača nije imao pasoš, drugima je zabranjen izlazak iz zemlje zbog problema koje su imali sa zakonom, tako da je selektor Krebo imao probleme da sastavi tim.

Prva kontrolna utakmica odigrana je sa ekipom uposlenika organizacije MFS Emaus, koji su i pokrovitelji reprezentacije. Selektor se energično kreće uz aut-liniju i daje tipične trenerske upute: "Ne sam Bećiću... vrati se u odbranu... Makareviću, ostani tu..."

Već polovinom avgusta slijedi regionalni turnir u Celju u Sloveniji na koji putuje sedam igrača, tako da za uigravanje nema puno vremena.

Ove godine reprezentacija BiH zakasnila je sa prijavom na Svjetsko prvenstvo u Francuskoj, među 64 selekcije svijeta. Ali, već naredne slijedi Meksiko, a beskućnik Almir Alić iz Lijepa poručuje kako će se "boriti do posljednjeg daha".

Cilj ovog projekta je pomoći beskućnicima koji žive na ulici i u prihvatilištima, iskoristiti pozitivnu stranu sporta kako bi se pobudila svijest za pomoć ovoj marginaliziranoj skupini ljudi. Tako je ove godine predsjednik organizacionog odbora Svjetskog prvenstva trener Arsenalu Wenger, a u promociju su uključeni i svjetski nogometni asovi Eric Cantona, Didier Drogba i Rio Ferdinand.

Autor: Mirsad Ćemalović Odg. ur.: Azer Slanjankić

ŀ Izvor vijesti: dw-world.de